

Uit min Dörp

Gedichte von
Toni Wübbens

• Hannover •
Verlag: Heinr. Feesche




Uf min Dörp

Gedichte von
Coni Wübbens

Mit Buchschmuck von Fanny Wübbens



Hannover
Verlag von Heinr. Seesche
■ 1910 ■



Nah Jahren.

Still liggt dat Dörp in'n Abendschin,
Oll Nest'rohm lüddt de Sönndag in. —
Oll Nest'rohm? Och de lewt nich mehr,
Dat icf hier jung was, lang is't heer;
De Tid de hett nich stille stahn,
Wo mennig een is van mi gahn. —
In'n Kamp dor steiht en jung fir Wicht,
Se dröggt hör Jück un Emmers licht;
„Kumm'r heer Oll, kumm!“ so röppt se Iud,
Wat klingt de Roop mit so vertrut:
„Kumm'r heer Oll, kumm Oll, kumm!“ —
Wat was icf doch as Jung so blid,
Wenn't Abend würd un Melkenstid;
Wo oft hebb icf an't Richel wach't,
Bet Stientje langs keem mit hör Dracht;
Wat was dat doch een mojen Tid, —
Nu liggt se achter mi so wid!
Ick gah in't Dörp, as in'n Droom,
De Swalkes singen in Busk un Boom;
't is all noch so, as't sünft woll weer, —
Un doch — wat is dat öd un leer.



Dat is jo noch desülwe Weg
Un öwern Sloot desülwe Steg,
Dor stahn uns' Naberhusen noch
Un gröten mi — un doch — un doch —
En frömd Gesicht vör elke Dör,
Keen eenzigst kummt bekannnt mi vör.
Sacht gah ic langs de Goren padd,
Dor is dat Fenster, wor Moder satt,
Se fitt dor nu all lang nich mehr,
Se slöppt so still inne swarte Eer,
De Mund, de eenst in Slap mi sung,
De röppt nich mehr: „Kumm heer min Jung!“
Un ic stah hier so ganz alleen,
Kief nah dat Fenster un ween, un ween.
De Klocken klingen so sacht un so trurig,
Se winken un ropen so still un so luring:
Kumm heer, kumm heer! Hier find'st Du se all,
Un in'n Fledderbusk singt noch de Nachtigall;
Hier winken di Krüz un Likensteen,
Hier büst Du to Hus, büst nicht mehr alleen.



In't Vörjahr.

In de Tun steiht Magretje mit Harke un Spaa,
Se gröwt un se plantet un lickt nahrends nah;
Un achter de Hege, dor steiht Nabers Jan;
„Magretje, och, kumm doch man ewkes heran,
Kumm hier achter de Hege, kumm hier nah de Poort,
„Ic will Di wat seggen, man blot en paar Woord.

„Wat plant'st Du Marlewkes un Viölkes so blau?
„Du bleihst jo doch sülben as de Ros' in'n Dau!
„Vernabend in' Düstern, denn will ic hier stahn,
„Denn mußt Du of ewkes in de Goren noch gahn,
„Denn is dat ganz düster, denn sucht uns keen een,
„Denn will'k Di wat seggen, ganz sacht un alleen.“

Magretje de lacht öwert ganze Gesicht,
„Du Slüngel, wat wollt Du? Ic glöw Di man nich!“
Un de Vögelfes singen: wi boo'n uns en Lüst,
Un bold is dat floar, un dat is en Lüst!
Un de Sünne de lacht un de Blümkes de bleihn,
Un Gretje seggt sacht: „Ja vernabends um teihn.“





Well hett dat dahn?

„Well is öwer uns' Hege gahn?
 „Well hett uns' Appels un Peeren offlahn?
 „All min Blümkes sünd fört und kleen,
 „Un keen een hett de Slüngel sehn!
 „Moder, Moder, o, segg ins an,
 „Well hett dat dahn?

Un de Moder seggt: „Kiek ins an,
 „Dat was seker weer Nabers Jan:
 „Nicks as Undögt bedriwwt de Sleef,
 „'k will Di woll kriegen, Du Appeldeef!
 „'t is doch en richtigen Dögenicht,
 „Höd di man vör de Junge, min Wicht!"

Nah en poar Johr was de Slüngel grot,
 Sprung nich mehr öwer Hege un Sloot;
 Man do keem dat mennigmål vör,
 Dat twe dor stunnen an'ne Gorendör.
 Lachten dor un lüsterten sach,
 's Abends laat, het deep in de Nacht;
 Moder sleep, mümms sach't as de Maan,

Well hett dat dahn?



So geih't.

Achier de Tun van uns' Nabers Hus,
 Dor liggt en groten Steen;
 Dor fitt Magretje mennigmål
 's Nahmiddags ganz alleen.

De Wind spölt mit hör geel frus Hor,
 De Vögelkes singen sach;
 Magretje kückt de Weg hendaal,
 Singt vör sück hen und lacht.

Ja lach du man, du Racker, Du!
 Du lurrst up Nabers Jan;
 Un ic, ic stah hier achtern Busk
 Un kiek van feern Di an.

Wo geern mugg'k bi di sitten gahn
 Un seggen: „Ik hebb Di leew;"
 Doch kückt mi an, un lachst mi an,
 Denn stah'k dor as en Sleef.

So geiht mi dat nu elke Dag,
 Ik stah un kiek Di an, —
 Un will'k wat seggen, —
 Allemal kummt seker Nabers Jan.



Harwsttid is komen.

Harwsttid is komen,
Sömmer vörbi.
Kahl stahn de Bomen,
Denkst noch an mi?

As Blömkes bleihten
Was ic̄ so blid;
As't Koorn wi meihten,
Was't Du all wid.

Swalkes sünd flogen
Öwer dat Meer,
Natt sünd min Oogen,
't Hart deiht mi sehr.

Bün so verlaten,
Bün so alleen;
Kieß langz de Straten
Wachte un ween.

Harwsttid is kommen,
Sömmer vörbi;
Kahl stahn de Bomen
Denkst noch an mi?



In't Moor.

Still liggt dat Moor, van nahrends heer en Lüd,
Blot Immē summen in dat Heidekrut.
Un in de Middagsünne liggt so warm
De Heide, as en Kind in Moders Arm.

Dat is de stillste Stünne van den Dag,
Wo alles drömt un nicks sück rögen mag.
Man ut de Rüsken glitt dat geel un bunt,
De Adder sünnt sück up de warme Grund.

Do geiht dat as en Bewern dör de Lücht,
Keen Tiekle kruppt keen Bottervögel flüggt.
Keen Vögel singt, dat is so swöl un still,
As wenn up all's en Bann sück leggen will.

De Mus, de ewkes noch hör grise Rock
Hett puht, de kruppt verbießert in hör Lock.
Still liggt de Heid, van nahrends heer en Lüd,
Blot Immē summen in dat Heidekrut.





Kappershahntje.

Du lütt' Kappershahntje,
Nu wes' doch man still'.
't will gornicks mehr seggen,
Ick swig jo rein still.

Töw man noch et bietje,
Denn gah'k mit Di ut;
Denn wis' ic alle Nabers:
Kiekt, dat is min Brut.

Un makst Du 'n grüm Snutje,
Un trampst mit de fööt,
Dat helpt Di jo garnicks,
Du büsst doch so fööt!

Kummi gau, giww mi'n Dutje,
Sett Di up min Schot;
Du mußt ja all lachen, —
Nu is alle weer god.



Still slöppt de Welt.

Still slöppt de Welt, —
Upt wide feld
Dor leggt sück sach
De Sömmernacht.
Nah Störm un Regen
Nu allerwegen
freden un Ruh; —
Hart, slap ock Du.

Wes' Du man still,
't kummt as Gott will.
Is of Din Leed
Vandage so heet,
Lat man Din Sörgen,
't kummt der en Morgen,
De düsterste Nacht
Geiht voröwer sach.

All wat Di drückt,
Un wat Di beglückt,
Vergeiht as en Droom,
As Blatt van en Boom.
Alle Din Klagen,
Alle Din fragen
Worden eerst still —
't kummt as Gott will.



Harwst.

Wenn kold de Wind ut Noorden weiht,
De Regen tegen de Ruten sleiht,
De Seedaak up de Meeden liggt,
Un öwer de Diek de Wildgoos flüggt,
Denn cummt de Harwst, denn word dat kold,
Denn föhlk so recht, ik worde old.

De Blömkes sünd nu all verbleiht,
De wi in't Vörjahr hebbent seiht;
In'n Tun ist alles wöest un leer,
Keen Störk steiht up dat Schündack mehr;
De Winter cummt mit Snee un Js,
Un wat de fat't, dat hollt he wiß.

Min Hart dat is so möe un still,
Lat dat man komen, so as Gott will.
De Störk de findet sück woll weer heer
Un of de Blömkes bleihen weer,
Doch of min Oog se noch kann sehn,
Dat weet de lewe Gott alleen.



An min Moder.

Wenn't Abend word un alles still um mi,
Denn denk ik Moder, noch so oft an Di;
Denn dröm ik van min Kinnertid so geern,
Denn klingt mi't as ut wide, wide feern:
„Min söete Plum, min lewe, lütte Wicht!“
Du streefst mi denn so sachtjen dat Gesicht,
Un was min Kinderhart noch so bedröwt,
Un harr'k de Dag of noch so völ utöwt,
't was all vöröwer, alles was weer god,
Wenn ik de Kopp kunn legen in Din Schot.
Un was ik frank, denn wäktest Du bi mi,
„Wes' still min söete Plum, dat geiht vörbi.“
Do keem en Nacht, so düster was noch keen, —
Do leest Du mi so ganz, so ganz alleen, —
Do säst Du noch dör all de Angst un Qual:
„Min söete Plum,“ ganz sacht to'm letzten Mal.
Nu hör ik dat min ganze Lebendlang,
Deep klingt in't Hart mi, as en Engelssang,
Un röppt dereenst de lewe Gott of mi,
Seggst denn woll weer: „min söete Plum“, to mi?





Nahmidag.

Oll Klasohm sitt in de Hörn, bi't für,
Un rokt sin Pip un denkt un finnt;
Un to sin Footen up de Deel
Dor spölt sin lüttje Dochterkind.

De Kater slickt sück sacht hento,
Leggt sück an't für un spinnt un snurrt,
Un dreicht blot mennigmal de Kopp,
Wenn um sin Nös' en Brummer burrt.

Dat Kindje word de Tid nu lang,
Et klautert up de Oll sin Schot.
„Och Opa, nu vertell mi wat,
Van Mettje in de swarte Sloot.“

Oll Klasohm kloppt sin Pipe ut;
„Denn kumm, min Jungske, hör mi to:
„In elke Sloot un in dat Koorn
Dor sitt en groten, bösen fro.



„Un löppt der'n Kind in't Roggenfeld,
„Gript Mettje 't mit hör lange Arm;
„Un kummt der'n Kind to dicht an'n Sloot,
„Denn treckt se't dal, dat Gott erbarm!“

„Denn nimmt se't Kind mit nah hör Slöß,
„Un lett et gornich mehr nah Hus,
„Denn sitt et immer ganz alleen
„Bi Waterrött un Pogg un Mus.“

Lütt Jan sin Oogen worden grot.
„Och, Opa, mi nimmt s' doch nich mit?
„Segg lewerst mi van Sünnerekas,
„Un wat de uns in Schöfsteen smitt.“

De Oll vertellt; un lüttje Jan
De slöppt up Opas Schot nu in,
Un Klasohm sülwst, de nickoppt of,
Dat word hum gar to möe to Sinn.

De Kater kickt noch stiew in't für,
Man't dürt nich lang, do slöppt de of,
Un blot dat für dat knistert noch,
Un ut de Schöfsteen treckt de Roof.





B. Väbbens

Dat geiht nich an.

De lüttje Jan steiht achter 'd Schünendör,
Do röppt sin Vader: „Jan!
„Min Jungske, kumm ins gau un hör,
„Wat icf Di seggen kann.
„De Störk bracht Di en lüttjen Brör,
„De hett Di wat mit brocht;
„Een heelen Bülte Zuckergoot
„Dat harrst Du woll nicht docht.
Dat Jungske ficht sin Vader an
Un word vör Freiden rot,
Fangt vör Pläseer to danzen an
Un grippt nah't Zuckergoot.
„Nu spöl du man, min Jungske, hör,
„Denn lüttje Brör, de slöppt;
„Un bliw Du still hier achter Dör,
Bet Di van Hus well röppt.“
Dat Spölen will so recht nich gahn,
Jan simeleert um finnt;



Bliwwt in Gedanken still bestahn,
„Nu heww wi noch en Kind.“
Un as he noch so denkt un steiht,
Do röppt van't Schünendack,
Du lewe Tid, wo dit woll geiht,
All weer en Störk; flack, flack,
Jan steiht vör Schrick mit open Mund,
Dat geiht demn doch nich an,
Sin Leckers fallt hum up de Grund,
He röppt so lud he kann:
Wat deihst Du up uns' Dack all weer,
„Du olle Störke Langbeen?
„Wi bruken gor keen Kinner mehr,
„Wi hebben jo all lang een!“





Kinnerleedje to Wihnachten.

Heiſa, juchheiſa,
Christkindje kummt bold!
Bringt mi en Sadelpoerd,
Dat is van Holt.

Bringt mi en Pietske mit,
Bringt mi en Toom;
Rid ick woll up min Peerd
Rund um de Boom.

Bringt mi en Stutenfeerl,
Kief ins, so grot!
Bringt mi en Wihnachtsboom
Un'n neeen Hot!

Bringt mi en ganzen Sac^k
Appels un Beeren,
Nöten un Pepernöt
Mag ick so geern!

Heiſa, juchheiſa,
Christkindje kummt bold
Ridd up sin witte Peerd
All dör dat Holt.

Blot en poar Dage noch,
Denn kummt et weer!
Heiſa, juchheiſa,
Wat förn Pläseer!



Sünnerklas, du gode Blood.

Sünnerklas, du gode Blood,
Klingt dat up de Straten;
Un de Kinner können sück
Vör Pläseer nich laten.

„Wenn't vernabend düster word,
„Kummt he an to ridein;
„Trientje, kummi, wi willen gau
„Noch en Kohlkopp sniden.

„n Emmer Watter för dat Peerd
„Bring wi of nah buten;
Denn bringt he uns allerhand,
„Zuckergoot un Stuten.



„Stellt man gau Jo Tellers up,
„t word all'n bietje düster;
„Kieß, dor kummt de lüttje Jan
„Of all mit sin Süster.“

Bringt en Schöttel, nett so grot,
As de ganze Bengel;
„Schall de ganz vull Zuckergoot?“
„Ne, vull Zuckerkengel.

„Zuckerkengels lust ic̄ geern,
„Lewer as en Stutje!“
Jan, paß up he bringt Di nicks,
Büßt jo'n Leckersnutje.


„Komt man gau in d' Köken rin
„Fangt man an to singen;
„Roar man nich, Du lüttje Jan,
He schall woll wat bringen.



Wihnnachtslied.

Ic̄ sitt in Düstern ganz alleen un dröm,
Wild wöhlt de Wind in unse Gorenböom;
Vernabend is dat gor to bitter kold,
Hell flammt in'n Aben en Knaß Boekenholst.
De Fürschin slackert an de Stuwenwand,
So trulig is't, as wenn en lisen Hand
Mi sachtjen föhrt in olle, sel'ge Tid,
As reep min Kind: „Nu is't bold Wihnnachtstid!“
Dat was en Glück, dat was en Seligkeit,
All weekenlang vörheer de Wihnnachtsfreid.
Mit helle Stimm fungst Du: „Vom Himmel hoch“,
Un wat Du wußt van Wihnnachtsleedjes noch;
Un wenn Du sleepst, denn sachst Du Nachts in'n Droom,
Mit bunte Lüchten all de Wihnnachtsboom.
Un keem dat Fest, was all Din Sehnen stillt,
Och, Kinnerhand is jo so licht gefüllt.
En lüttjen Pupp, en bietje Zuckergoot,
Du lewe Tid, wat was de freide grot!
Vörbi, vörbi, woll kummt de Wihnnachtstid,
Doch lacht Din Vog mi nich mehr an so blid;
Nu plant ic̄ up Din Grafft de Wihnnachtsboom,
Süchst Du em woll, as eenst in Dinen Droom?





So wid is de Welt.

So wid is de Welt un so öde dat Hus
Un öwerall föök ic̄ nah di;
De Tranen fleeten, dat Hart is so swor,
Denn Du büst nich mehr bi mi.

De Unnern proten un sünd vergnögt,
Ic̄ sitte un denke an Di!
Dat Lachen un Proten deiht mi so sehr,
Denn Du büst nich mehr dorbi.

So möe wass't Du jo, nu wullst slapen so geern,
Un nu is alles vörbi!
Nu slöppst Du so deep un ic̄ bün alleen,
Och drömst Du woll noch van mi?

O, slape min Kind, slap geruhig un still,
De Tid kummt, dat Gott röppt of mi;
Denn hebb ic̄ Di weer, denn sünd wi vereent,
Denn ligg ic̄ un slape bi Di.



Fierabend.

Wi sitten still tosamien up de Bank,
Un luren, wo de Abendklockenklang
So hell klingt öwert Dörp un't wide feld,
En Gottesfreden leggt sück up de Welt.


Un nah des Dages Arbeit, Möh un Last,
Dor hollen wi hier buten stille Rast.
Wo lecht dat Abendrot an'n Himmel gleicht,
Un sachd de Wind van't Meer heröwer weicht.

Vör Jahren satt bi uns woll mennigeen;
Nu lett een nah de anner uns alleen.
Dat is en ewig Komen, ewig Gahn,
Nicks up de Welt dat bliwwt un hett bestahn.

Doch Eene bliwwt bi uns un föhrt uns sachd
Dör Lecht un Dunkel, dör de swarkste Nacht;
Un troe Lew de ledd mit starke Urm
Dör' ganze Lewen seker uns un warm.

Hörst Du dor up de Straat de Kimmersang?
Kennst Du dat Leed noch? Kennst Du woll de Klang?
Wi sungent eerst, wo lang is dat woll heer?
Wo lange Johr? Ic̄ weet de Tid nich mehr.

De Jöhren trecken sachd an uns vörbi,
Un immer stiller wordt um Di un mi.
Kum Moder öwer'n Karkhof steicht de Maan.
De Wächter röppt, nu will wi slapen gahn.



Vörjahr.

„De Vöhrjahrssünne schint so warm
„Un fründelk dör de Fensterruten,
„Kumm, Oma, stöhn Di up min Arm,
„Ich bring een bietje Di nah buten.

„Ich legg Di'n Küffen up de Bank,
„Un sett Di'n Stöwke unner d' Footen,
„Kief, Klasohm kröpelt of dor lang,
„Denn kön'n Ji heid tosamten proten.“

De beide Ollen sitten nu
Dor in de Sünne still binanner.
Oll Klasohm rooft sin Pip in Ruh,
Un se vertelln sück wat mit 'nanner.

„De Winterkoll un Gicht dorts,
„Ja, Trientjemöe, dat sünd so'n Saken,
„De lewe, warmie Vöhrjahrssünn
„Is beter vör uns' olle Knaaken.

„Ja, wass' wi noch so jung, as de,
„De dor up Straat tosamten spölén!
„Nu kief, nu kief, dat Rackertüg,
„Watt se sück in de Sand herumwöhlen.“



Dat is en Spardeln un 'n Juchhein!
Dat is en Jachtern un en Springen!
Un hell in all de Vörjahrslüst
De Spreen un de Swalkes singen.

Dat Höhnervolk is of rein mall,
Wat för en Kreihن un en Gefakel
Un denn de Lüntjes up dat Dack,
Du lewe Tid, wat för'n Spitakel!

Un in den Gorenen achter 't Hus,
Steiht Stientje mit Jan Dierk to proten,
Se lachen un se jachtern of,
Un se schull doch de Urwten poten.

Un sachtjen buckt de Jung sück dal,
Küßt Stientje up de rode Lippen,
Un immer weer un noch enmal,
As kunn he sück nich fatt d'ran nipp'en.

De oll geel Kater steiht dorbi
Un denkt, wat sünd dat doch för Saken,
Dat Jungvolf is jo rein verdreicht,
Schull dat woll all dat Vörjahr maken?





Grummelwehr.


„En Grummelwehr treckt up! Gau Jungsens, gau!
 „Dat lezte fohr, dat mutt noch unner Dack!
 „Dor hest de Sweep, nu lat de Peere lopen,
 „So drad, as se man kônt! 'n Kateerührs noch,
 „Denn kummt de Regen!“ Hüa, hüa, hott!
 De Ledderwagen rumpelt dör dat Dörp
 Un in de Schündör steiht der Bur un wach't.
 He schusft sin Pool trüg, drögt sück of de Sweet,
 Steckt sück en Pipe an un fickt in't Wehr.
 De Sünne de gleiht un brannt, man achtern Diel,
 Dor treckt dat up so düster un so swart.
 De Swalkes fleegen all so leeg, dat haast
 Se mit de Flögels stripen up de Grund.
 Un up de Meeden brull'n de Kojen lud,
 Se lopen hen un heer un drängen sück
 All unnert Schur tohop, as wullen se



Sück bargin vör de Angst, de sück so swar
 Up Minsk un Deeren leegt, — de Angst,
 Glieks brekt dat lös, glieks kummt de Slag,
 Un Gott mag weeten, wo't denn worden mag. —
 De Sünne verkruppt sück, un de Wulkenwand
 Stiggt gau tohöcht, un immer düst'rer word,
 Un immer heeter, sworer word de Lücht;
 De Bomen laten höre Bladen hangen
 Un blot de Swalkes scheeten hen un heer.
 Noch is dat still, man van de Seekant klingt
 En dumpes Brusen, un en Windstöt ritt
 De Wulkenwand in stücken, dat se nu
 As schwarze Plünnen öwer't Dörp hensfluttet.
 Un immer düller hult de Wind un wöhlt
 De geele Stoff to dicke Wulken up.
 Do jaggt de Bur sin Jung in wille Hast,
 Mit sin fohr hei, de Weg langs dör dat Dörp.
 De Peere lopen, dat de witte Schum
 Hör vör dat Mul steiht, un de Bur de smitt
 De grote Schündör up: „Man gau herin!
 „Dat hei Ji god maakt Jungs, 't is just noch Tid! —
 „Dor fallen all de erste dicke Drüppen.“ —
 In de Achterköken sitt de Bur sin fro
 Un lest in't Sangbook; un de Kinner krupen
 Dicht nah hör hen, un lüttje Trientje steckt
 De runne Flaßkopp unner Moders Schude,
 Bestwader sitt in 'de Hörn, rookt still sin Pip.
 Do kummt de Bur herin un lacht un seggt:



„Dat letzte Fohr dat is nu unner Daß,
„Nu lat dat grummeln, wat dat grummeln mag.“
„Mann, Du versünningst Di“, seggt sacht de fro. —
En grelles Lichten un en Dönnerslag!
De Fenster trillern und de Kinner roaren;
Un weer en Slag, un weer un do mit eens,
En Blitz, en Knall, as stunn dat Hus in Brand!
„Gott, datt hett instahn! Himmel stah uns bi!“
De Eekboom achterk't Hus brannt lichterloh.
De Bur steiht stiew vör Schrick; in wilde Angst
Röppt he: „Uns' Hus uns' Hei! Helpt, reddet doch!
„Wor sünd de Knechten? Gau doch, Water heer!“
Un noch en Slag as schull de Welt vergahn!
Do gütt dat dal, as wull de Himmel fülwst
Dat für utgeten; wor de Minskenhand
Nich helfen kann. — De Bur, bleef as de Dod,
Steiht an de Mür un kickt stiw nah de Boom.
He markt dat nich, dat hum dat Water all
Ut sine Klehr löppt, „Vader kummin doch in“,
So seggt sin fro, un ledd hum sacht in't Hus.
Besvader fitt all weer still in de Hörn
Un hett de Kinner bi sück stahn un seggt:
„Dor freihst uns' Hahn, nu is dat Wehr vörbi:
„Völ mehr doch as wi Minsken, weet so'n Deer.“
He folgt sin Hann: „Nu danket alle Gott,“
Un dör de Wulken breckt en Sünnenstrahl.



De olle Schipperfro.

De Regen sleiht tegen de Ruten,
Et is so düster un kold;
De Ollske fitt in'n Lehnstool
Un hett de Handen fold'd.

Se denkt an froher Dagen,
As se en moj, jung Wicht;
Do kennte se keen Sorgen,
Do was dat Hart hör licht.

Hör Vader de was blewen,
Se was mit hör Moder alleen,
Do keem der'n jungen Schipper;
He keem, um hör to freen.

Do was der Glück un Freide
In't Hus hier achtern Diek;
Wat was de moje Antje
So stolt doch un so rieß!



Dat was en förtēn Sömmer,
Do was dat Glück to En'n. —
De Ollske fitt to beden
Un roart still vör sick hen.

't was jüst so'n wilden Störmnacht
Un he was up dat Meer, —
Dat Schipp dat gung verloren,
De Schipper feem nich weer.

Un wider drömt de Ollske,
Un buten hult de Wind;
Se sücht in hör Gedanken
Hör Dierk, hör eenzigst Kind.

He harr so blaue Oogen,
He harr so brune Hor,
He was hör Glück, hör freide,
So mennig, mennig Johr.

Un as de Jung was wussen
Un würde stark un grot,
Do rögt sück in sin Harten
Sin Vaders Schippersblood.

De Moder wullt nich lidēn,
De Jung de beed un sä:
„Och Moder, lewe Moder,
„Lat mi doch mit up See!



„Och, lat mi doch man eenmal
To fisken mit up't Meer,
„Dat is jo nich för lange,
„Wo bold bün in der weer.“

He gung woll mit to fisken,
De Moder fitt un wach't,
So lange, hange Dagen,
So mennig swore Nacht.

Se fitt un wach't noch immer,
Un buten hult dat Meer, —
De Ollske word so möe nu,
Se tellt de Johr nich mehr.

De Kopp fallt hör vöröwer,
De Hanne sacken dal,
Sacht seggt se: „Dierk, ic kome“,
Un süfzt noch deep eenmal.

Still word de Wind dor buten,
De Sünn stiggt ut dat Meer;
De Ollsk' is sacht inslapen,
Se wachtet nu nich mehr.





Dat Brudpadd.

(Alte Sage.)

To Auerk dor klingen de Klocken so lud,
Himmelfahrtsdag, un Prinzessin is Brud!

Van alle Toorns geiht dat him, him, ham,
Vandage kummt de Brüdigam.

De Kinner de streiten vor Dag un vör Dau
Völ Modermarlewkes un Viölkis so blau.

Se stunden woll up um de halwe Nacht,
To maken en Brudpadd ganz stillkens un sacht.

En moje Brudpadd, mit güldene Grund,
Von Botterblömen so gelb un so bunt.

Prinzessin de harr woll en sworen Droom,
En Vögelke sung in de Lindenboom.

Dat sung so trürig de heele Nacht,
Prinzessin steg up de Söller sacht.

Un as de Sünne an'n Himmel stunn,
En rotsiden Doof um de Locken se bunn;

So stunn se nu un keek nah hör Lewste ut,
Hör Hart dat floppte so bang un so lud.

Se sach in de feern en Wulke Stoff,
Gau reet se hör rotsiden Doofje of,

Un leet et flattern woll in de Wind
Un lacht un rohrt as en seliget Kind.

Völ Riders to Peerd de keemen heran,
De Königssöhn drew sin Peerd woll an.

He jagte so gau, he jagte so wild,
Hell spiegelt de Sünne sück in Helm un in Schild.

He ridd öwert feld, is all dichte bi!
„Min Lewste, min Lewste, icf gröte Di!

„Nu blot noch dört düstere Dannenholt,
„Denn hebb icf Di weer, min Glück un min Stolt!“

Wat klingt ut dat Holt so wöeste Klang
Wor bliwwt de Rider? Wor bliwwt he so lang?

Dat Peerd so sacht vör't Slößdör woll gung,
En blödigen Doden in'n Sadel hung.

Un van de Söller Prinzessin steg,
De Dode to hör footen leeg. —

Se sackt in de Kneen woll up de Grund,
Un küßte hum up de bleeke Mund;




Do würd et hör vör de Oogen swart,
Vör Jammer un Elend brok hör dat Hart.

De Klocken klingen so dump un so swor,
Se dragen de Lewsten woll vör de Altar.

De Blömkes alle sünd welsf un matt,
Un alle Oogen van Tranen natt.

De Klocken klingen, him, ham, him, ham,
In't Grafft liggen Brud un Brüdigam.



De Klosterbur.

An't Enn' van't Loog dat olle Kloster liggt,
Wöest is de Stäe, verfollen un verkamen;
In Düstern geiht keen Minsk dor geern vörbi,
Dat fall dor spöken, seggen olle Lüe.

En Nönnenkloster was't in olle Tid,
Bet de Mansfelder keem mit Moord un Brand,
Wat de van't olle Kloster leet bestahn,
Dat köfft en Bur un haut en Plaats sück an.

Man't lagg keen Segen up de Klosterstäe.
De Klosterburen wassen'n slimmen Art,
So wöest un wild un dochten up de Welt,
Un wider nicks, as Geld un immer Geld.

Dat arwte sück van Vader up de Söhñ,
Dör alle Tiden, bet to goderleßt;
De rieksste Bur'n in't Dörp dat wassen se,
Un wassen doch sindage nich tofrä.



Grotvader hett mi'n mal dorvan vertelt,
As wi des Abends satten still bi't für,
Un dör dat Fenster schinte hell de Maan,
Do säh he, wat de Klosterbur eenst dahm.

Lang is't all heer, 't was in 'd franzosentid,
Do satten up de Klosterstäe twe Brörs.
De Ollst was ganz nah sines Vaders Art,
So glupsch nah Geld un dorbi stolt un hart.

De junger Brör wast nett sin Tegenspoet,
Un alltid fründelk tegen elf un een;
En firen Jung van hento achteihn Johr,
Mit blaue Oogen un mit brune Hor.

't was domals, as de Schippers hier to Land
De Upstand makten, tegen de franzosen,
Du lewe Gott, et was jo Unverstand,
Denn vull van Feenden was dat ganze Land.

Weet'st Du wat Krieg heet? Nee, Du weet'st dat nich,
Du büsst noch jung, Du hest 't noch nich belewt;
't is nich alleen de Jammer un de Not,
Un all de Tranen, all dat junge Blood, —

Nee, all dat Böse, wat de Dūwel seiht
In Minskenharten, schütt denn wild tohöcht,
Bett in de Minsken dat Geweten dot, —
Dat glöw Du man, dat is de grösste Not.



De Klosterbur de satt in ene Nacht
Noch laat in't Weertshus, ganz för sück allen.
Dicht bi satt en französischen Douan,
De fung denn bold mit hum to proten an.


Ok van de Schippers, de se nu haast all
Infangen harren, blot en stückener seß,
De seeten noch in't Moor un disse Nacht
Wulln se hör fangen. „So,” de Bur de lacht.

„Dat's nich so licht, in't Moor dor fang Ji keen,
„Dat glöwt mi man, dat Moor datt hett sin Tücken;
„Un unse Jungs, de kenn'n dor elke Hooß,
„De fang Ji nich, un weer Ji noch so kloök.”

„Parbleu”, seggt de franzos' dorup un nicht;
„Wenn ic̄ doch blot en düch'gen Minsken funn,
„De eenen föhrt; ic̄ weet dor is en Weg,
„Man well hier frömd is, find't nich licht de Steg.

„Ja wuß ic̄ een, de kunn völ Geld verdeen'n
„Kiekt blot ins heer, de ganze Büdel Gold,
„De ic̄ hier hebb, de gewe ic̄ de Mann,
„De seker dör dat Moor uns föhren kann.

„Ic̄ mutt hör fangen!” — „Cat mi doch tofrä,”
So sä de Klosterbur, man sine Oogen
De hungen an dat Gold, as weer'n se bannt,
„Un as in't Fewer bewert hum de Hand.



Woll sach't de Franzmann, doch he deh,
Als säh he nicks un proof'e ruhig furt;
„De arme Sluckers gahn jo doch to Grunne,
„Fang wi hör nich, in't Moor gahn s' vor de Hunne.

„Un fang wi hör, wat is denn grot dorbi?
„Een paar Johr deenen, un denn sünd' s' weer free."
De Klosterbur sprung up: „Blot en poar Johr?
„Keerl, lüggst Du nich? Is dat wareinstig wohr?"

Hebb ic! Di? dochte de Franzos' un sā:
„De Kaiser will doch blot Soldaten hebben;
„Wat schull hör denn of anners groot passeern?
„Se hebben ja of gornicks to verleern.

De Klosterbur de würd dat heet un kold,
De Oogen gleihten hum as en poar Köhlen;
't was so, as wenn he seggen wull: Ich will,
Un kunnt doch nich — of de Franzos' was still.

De Bur keek gierig nah de Büdel hen;
Woll kennte he de Weg dör't Moor genau,
Verleeden Nacht was he hum jo noch gahn,
He harr nich wullt, sin Brör harr d'rups bestahn.

Twe van de Schippers wassen sine Frünn',
Se harr'n hör stillkens wat to eeten brocht,
Un of de Bur of noch so düll d'rums schull,
Jung Lüppo lacht un deh doch wat he wull.



Jung Lüppo! 't was, as wenn en goden Geest
De Bur noch eenmal greep an't kolle Hart;
Un doch umsünft, — de Dūwel wunn sin Spill,
De Bur de sā: „Verdammt noch mal, ic! will!"

De annen Morgen würden se alle brocht
Van de Soldaten. Gott, wo sachen' s' ut!
Wo langsam keemen se de Weg dor lang,
Un Lüppo van dat Kloster was dor mang.

He was de Nacht weer bi sin Fründe west,
Ohn dat de Bur dat wuß, ganz in't Geheim.
Nu muß he liden dör sin Brörs Verrat,
Unschüllig Opfer van de böse Daht.

An't olle Kloster gung de Tog vörbi,
Un achter de Hege stunn de Bur to lurn.
He schot tosamien, Gott, dat was sin Brör!
Wild greep he um sück un denn sprung he vör.

Lüppo! Kumm hier! Kumm gau, ic! helpe Di!
Hett denn de Dūwel hier sin Hand in't Spill?
So kumm doch Jung! He greep nah Lüppos Hand,
Do smeten de Franzosen hum in'n Sand.

Lang slog he hen. — De Tog gung wider nu,
Se brochten s' alle in Jan Jakobs Schür,
Un hullen dor so Art van Kriegsgericht,
Och lat mi swigen man van de Geschicht.



Och Kinner bedet, dat Ji nich belewt
Dat Elend, wat so'n Krieg bringt öwer't Land.
't was gor to slimm, de Jammer gor to grot —
De anner Morgen schoten se hör dot. —

De Klosterbur, de hör verraden hadd, de lewte,
Man dat was en gruglich Lewen.
Bold lacht he Iud un satt un tellt un tellt.
Sin Sündenlohn, dat gottverfluchte Geld, —

Un denn weer leep he jammernd dör dat Hus
Un söcht, un söcht un funn nich, den he söcht;
Un Dag un Nacht reep Iud he nah sin Brör:
„O, Lüppo, kumm doch! Lüppo, kumm doch weer!”

Un jahrelang funn he nich Rüsi noch Rast,
Dat drew humi elke Nacht in't Hus herum, —
Tolekt do funnen humi de Knechten dot,
Glieks achter'n Klostergor'n lagg he in'n Sloot. —

Noch immer steiht dat olle Kloster dor,
De Nachtwind weiht so trurig d'röwer hen;
In Düstern geiht keen Minß dor geern vörbi,
Dat fall dor spöken, seggen olle Lüe. —



Wenn so hell de Sünne schint.

Wenn so hell de Sünne schint,
Löppt min Kind in de Goren,
Spölt de warme Vörjahrswind
Mit hör fruse Horen.

Dör de Blömen, dör dat Gras
Geiht dat, lüster, flüster:
Kiekt ins an, kiekt ins an,
Dor kummt lüttje Süster.

Vögelskes in grönen Boom
Fangen an to singen,
Un wo darten up de Weid
Unse Lammers springen.

Inmke flüggt van'n Rosenbusk,
Will van Kindjes Lippen,
Nett as ut en Rosenknupp.
Söeten Hönnig nippen.

Inmke, ne, dat geiht man nich,
Helpt Di nicks Din Brunnen,
Fleg' man nah de Blömen weer,
Dor kannst summen, brummen.






Unse Lüttje.

Unse Kind datt kann all lopen,
Nu mutt Vader Stewels kopen;
Stewelkes so moj' un blank,
Denn löpp' Kind de Deelen lang.

Kieß, wo se de Footjes sett't,
Kieß doch blot, wo nett, wo nett!
Plumps! dor liggt dat lüttje Wicht!
Och, wat för'n verfahrt Gesicht!

Mußt nich rär'n, dat deiht nich sehr;
Oma pust't, denn betert meer;
Wenn Du erst Din Stewels hest,
Löppst Du glieks up't allerbest.



Burenleew.

Wat was se doch en jung fir Wicht,
As Melk un Blood was hör Gesicht;
Se jachtert mit de junge Knecht,
De Moder was dat gornich recht.

Se sä: „Min Kind, dat word nu Tid,
„Du mußt nu free'n dat is so wid.
„Ik hebb't mit Vader owerleggt,
„He hett dat of Dierk Harms all seggt.

„Un Söndag kummt Dierk Harms sin Jan,
„Un fikt sück unse Plaats hier an. —
„Nu kieß nich so unnösel ut,
„Tokamen Söndag büßt Du Brut!"

Dat Wicht dat rohrt: „Dierk Harms sin Jan,
„De kieß ic all min Dag nich an,
„De stammert jo un fickt jo scheef,
„Ik free blot een, de ic hebb leew."



„Dat is dumim Tüg, Du albern Wicht,
„Do worst nich fatt van'n glatt Gesicht;
„Dat Allerbeste in de Welt,
„Is doch en goden Büdel Geld.

„Din Vader Kind, dat glöw Du man,
„Was of nich jüst en mojen Mann,
„Un wi sünd alle heid tofrä,
„Du nimmst de Jung, Du seggst nich ne!“

Dat Wicht rohrt sück de Oogen rot,
„Denn gah ic̄ leverst in de Dod!“
De Moder lacht: „Wes' man nich mall,
„t sünd dartzig Kojen in sin Stall.“

„Sin Land stött nett an unse an,
„Und 't bliwwt dorbi, Du nimmst de Jan.
„Din Utstür liggt all lang parat,
Dor fehlt blot noch de Hochtiesdstaat.“

De anner Sönndag was se Brud,
Un gung all mit hör Brügam ut; —
De Knecht stunn achter't Hus alleen,
He mugg de junge Brud nich sehn.



Slap min Kind.

Slap min söete Kind,
Buten weiht de Wind.
Du slöppst still un warm
In Din Moders Arm.

Vögelkes in't Nüst
Sünd all lang to Rüst,
Un de Lammers all
Slapen in hör Stall.

Maaf Din Vögkes to,
Dat se mörgen froh
Sünd weer lecht un blid,
Slap min Kind, 't is Tid.

So, min Kindje slöppt,
Un de Wächter röppt,
Un van'n Himmel hoch
Wakt Gottvaders Vog.



Aus „Von Wanderwegen“.
Gedichte von M. Feesche.
Preis fein gebunden M. 2.50.

Arbeitet Gott?

Arbeitet Gott? Ich sage nein und aber nein!
Die Arbeit ist erst aus der Sünde uns gekommen.
Sie geht einst nicht mit uns ins Paradies hinein,
Der Tod hat alle Lasten uns dann abgenommen.

Sieh doch die Arbeit an, die Tochter dieser Erden,
Hat sie nicht deinen Mut verzehrt, die Kraft zerrissen?
Du konntest unter ihrem Zoch nie fertig werden.
Ach nein, die Ewigkeit will nichts von Arbeit wissen.

Ruht Gott denn immerdar, und feiern seine Hände,
Die voll sind alles Lebens, aller heil'gen Kraft?
Und werden wir auch nutzlos bleiben ohne Ende?
Nein! Rößlicheres weiß ich, Größereres: Gott schafft!

Du kennst sie doch — ich wünsch' es dir — des Schaffens
 Wonne?
's ist keine Müh' und keine Last dabei, nur Lust.
Schaffst du, so weckst du Leben, wie im Lenz die Sonne,
So stehst am Werke du, des Werktags unbewußt.

's ist lauter Feierfreude dir um Herz und Hände.
Im Schaffen trägt der Mensch ein Stück Gottheitlichkeit.
So, dent' ich, wird es sein an jenem Tag ohn' Ende,
Wir werden schaffen dürfen in Glückseligkeit.



Aus „Erntesegen“.
Gedichte von M. Feesche.
Preis fein gebunden M. 2.50.

Geduldig.

Du sollst dein Kreuz dir ja nicht selber zimmern,
Gott tut's für dich. Und er wählt so die Last,
Daz sie für deine Schultern grade recht.
Dann werden auf dem Fluchholz Segenstrahlen schimmern,
Wenn du's wie ein treuer Knecht
Aus deines Meisters Hand geduldig hingenommen hast.



Aus „Von blühenden Hecken“.
Gedichte von M. Feesche.
Preis fein gebunden M. 2.50.

In deine Hand.

Nimm meine Tage, Herr, in deine Hand,
Die du in den gewef'n Jahren
Schon über meine Schwelle hast gesandt
Und die wie rüst'ge Wandrer ihres Weges gingen,
Um Lust und Last so schnell ans Ziel zu bringen.
Die Tage, die da waren
In den gewef'n Jahren.

Nimm meine Tage, Herr in deine Hand,
Die du mir jetzt noch zugedacht auf Erden,
Daz sie doch nicht wie Bettler ziehn durchs Land.
Läß Freud' und Pflichten sie in starken Händen tragen
Und was du willst, nur mach' zu reichen Tagen
Sie alle, die noch werden
Mir kommen, Herr, auf Erden!



□□ Verlag von Heinr. Fesche, Hannover. □□

Licht von Oben. Lebenserinnerungen einer Frühverwaisten von C. Jacobshagen. 28.—33.

Tausend. Wohlfeile Ausgabe geb. M. 2.—

Geschenkausgabe in farbigem Einbande M. 3.—
„Ein Kunstwerk nach jeder Richtung, ein wahres Edikt in dem Wurfe unserer sogenannten „schönen“ Literatur, ein Buch, das kein Leser aus der Hand legen wird, ohne reichen Gewinn davongetragen zu haben.“
(Österreich. Literaturblatt.)

Des Königs deutsche Legion bis zur Schlacht bei Talavera von M. Ballauff.

Geb. M. 1.50.

„Die Darstellung beruht auf gründlichen geschichtlichen Studien; sie ist anschaulich und lebendig und in sieidendem, edlem Stil geschrieben; sie ist wahrhaft geschichtlich und lässt die Entwicklung der Geschichten klar erkennen, ist wahr und sachlich, indem sie bei aller Heimatliebe die Dinge nicht subjektiv von einem Parteilandpunkte aus ansieht, sondern objektiv schildert und beurteilt und die gemachten Fehler nicht verschweigt, aber deshalb auch falsche Beschuldigungen und gehässige Vorwürdungen zurückweist und in allem der Wahrheit und Gerechtigkeit die Ehre gibt.“
(Deutsche Volkszeitung.)

Das Pfarrhaus zu Sottrum im Jahre 1813. Von Mathilde Pekler, geb. Büttner. 3. Ausl. (neu). Gebunden M. 2.—

„Da haben wir einmal wieder etwas Nechtes für ein paar schöne Winterabende,“ so habe ich gedacht, als ich das kleine Buch, Tagebuchblätter einer Pfarrerstochter, las. Über nicht nur Zeitvertreib wird uns die Lektüre sein; ich denke, sie wird, so frisch und natürlich, von wärmigem Humor gewürzt, unsere Herzen hochschlagen lassen im Erinnern an die große schwere Zeit, die unsere Vorfahren so tapfer durchstellt haben.“
(Christl. Bucherdruck.)

Fremdenbuch der Familie. Heim gebunden in Leinen, mit Titel und Randzeichnungen von G. Barlösius.

Preis M. 6.—

Wer Sinn für Familienleben und Gastfreundschaft hat, und wem es verällt ist, leichtere zu pflegen, der wird auch gern die Erinnerung an liebe Gäste feithalten und es gehört zu traulichen Familienstunden, solche Erinnerung aufzufrischen. Daher wird es sicher für viele gastfreie Häuser eine höchstkommene Gabe sein, die uns in dem vorliegenden Fremdenbuche dargeboten wird.“

200 Kochrezepte für einfache bürgerliche Haushaltungen, erprobt im Haushaltungskursus für schulentlassene Mädchen, herausgegeben von der Gewerbe- und Haushaltungsschule des Frauenbildungsvereins Hannover. Hüblich in Leinen gebunden M. 1.—



